

# Sorumutu Extraordinária Konsellu Ministru loron 8 no 9 fulan-jullu tinan 2019

## Prezidénsia Konsellu Ministrus

VIII Governu Konstitusionál

---

### Komunikadu Imprensa

#### Sorumutu Extraordinária Konsellu Ministru loron 8 no 9 fulan-jullu tinan 2019

Konsellu Ministru, hala'o sorumutu extraordinária ho xefe Ekipa ba Negosiasaun Konsellu ba Delimitasaun Definitva Fronteiras Maritimas no hanesan Representante Espesiál Governu Timor-Leste ba Konkluzaun Prosedimentu sira ne'ebé nesesáriu ba Ratifikasaun Tratadu entre Repúblika Demokrátika Timor-Leste ho Commonwealth Austrália ne'ebé estabeselese ida-ida nia Fronteiras Maritimas iha Tasi Timor, Akizisaun interese sira iha kampu mina-rai sira no selebrasaun akordu sira kona-ba dezvoltimentu husi Kampu Greater Sunrise nian, Kay Rala Xanana Gusmão, durante loron rua, loron 8 no 9 fulan-jullu.

Sorumutu ida ne'e ho objetivu atu analiza no aprova husi Konsellu Ministru kona-ba proposta lejislasaun no dokumentus sira seluk ne'ebé presiza submete ba Parlamentu Nasionál kona-ba proposta rezulasaun ne'ebé sei hare ba ratifikasaun husi Tratadu entre Repúblika Demokrátika Timor-Leste no Austrália ne'ebé mak ida-ida estabeselese ona Fronteiras Maritimas iha Tasi Timor

Durante dader loron segunda-feira Xefe Ekipa Negosiasaun apresenta proposta Tratadu nian no Prezidente Autoridade Nasional Petroleu no Minerais, Gualdino da Silva, apresenta ba Konsellu Ministru rezumu ida no rezultadu prosesu negosiasaun ho empresa mina-rai sira ne'ebé oras ne'e opera iha area dezvoltimentu konjuntu (JDPA) tuir lisensa ne'ebé Austrália fó.

Iha ambitu testu Tratadu ne'ebé Konsellu Ministru aprova atu submete ba ratifikasaun Parlamentu Nasionál nian konforme previstu iha Tratadu Tasi Timor, Timor-Leste kompromete atu garante empreza sira nia kondisoinis hanesan iha lisensa ne'ebé australia fó ba JPDA.

Ba efeitu ne'e Konsellu Ministru analiza no aprova proposta Lei ida atu submete ba Parlamentu Nasionál atu halo adaptasaun ba Lei fiskal sira hotu no fó dalan ba Timor-Leste atu kobra impostu iha atividade esplorasauun mina-rai iha Tasi Timor, no nune'e bele preve hasa'e reseita fiskal hanesan tributasauun ba atividade mina-rai sira iha area ne'ebé uluk fahe ho Austrália ka eksklusivu Austrália.

Tuir mai Konsellu Ministru analiza no aprova proposta Lei ida atu submete ba Parlamentu Nasionál ne'ebé estabeselese rejime laboral no migratóriu espesífiku ba esplorasauun husi Kampu Mina-rai Bayu-Undan. Ho forma atu fó dalan ba kampu mina-rai ne'e bele kontinua halo operasaun iha kondisaun ne'ebé iha to'o ohin loron ne'e presiza halo adaptasaun ba lei traballu sira no migrasaun ne'ebé permiti katak traballadór sira hotu, ema timoroan no estranjeiru sira bele kontinua servisu nafatin tuir akordu ho regras no prátika internasionál ne'ebé diak ba setór atividade ida ne'e.

Konsellu Ministro analiza no aprova mós proposta Lei rua atu submete ba Parlamentu Nasionál, kona-ba adaptasaun ba Lei Atividades Mina-rai no Lei Fundo Mina-rai ba rejime ne'ebé rezulta husi Tratadu foun.

Durante tersa-feira loron 9 fulan-jullu, Konsellu Ministru analiza, diskuti no aprova projetu Dekretu-Lei 4 ne'ebé estabeselese Tranzisaun Títulos Mina-rai no Regulamentasaun atividade Mina-rai iha kampu Bayu-Undan, iha esplorasauun ne'ebé uluk situa iha Area Konjunta Dezvoltimentu Mina-rai (ACDP), iha Kampu Buffalo no iha Area balun husi lisensa AC/L5 no WA-18-L (Laminaria no Koralina), no mós minutas sira Kontratu hodi fahe Produsaun ne'ebé regulamenta atividade ho kontratante sira no instrumentu kontratuais sira seluk ne'ebé presiza atu finaliza tranzisaun.

Ikus-liu, total dokumentu hamutuk 50, Konsellu Ministru aprova mós Projetu Dekretu-Lei kona-ba alterasaun ba Dekretu-Lei n.º 20/2008, loron 19 fulan-juñu, ne'ebé kria Autoridade Nasional Petrôleu no

Minerais, ho objetivu atu halo adaptasaun ba diploma orgániku ANPM ninian ba regulamentasaun foun ne'ebé rezulta husi Tratadu Fronteira Maritimas, no mós proposta Rezolusaun rua atu realiza akordu ho Austrália ne'ebé sei fó dalan troka informasaun sira ba kontratantes refere to'o Tratadu tama iha vigór ne'ebé opera iha Area Dezenvolvimentu Konjuntu ka Area juridisaun eksklusivu Austrália nian no rejime ba operasaun kadoras Bayu-Undan nian no segmentu tuir Tratadu sei hela iha area plataforma kontinental ba juridisaun eksklusivu Timor-Leste nian.

## ANEKSU

Lista Pakote Lejislativa sira ne'ebé mak aprova mak hanesan tuir mai ne'e:

1. Proposta Rezolusaun ba Parlamentu Nasional ba Ratifikasaun Tratadu entre Repúblika Demokrátika Timor-Leste no Austrália ne'ebé ida-ida estabelese ona Fronteiras Maritimas iha Tasi Timor
2. Proposta husi Lei ne'ebé aprova ba alterasaun dahuluk mak Lei n.8/2008, loron 30 fulan-juñu, Lei dahuluk n.3/2003, loron 1 fulan-jullu kona-ba tributasaun ba kontraentes husi Bayu-Undan no altersaun dahuluk ba Lei n.4/2003 loron 1 fulan-jullu, kona-ba dezenvolvimentu husi petróleu Tasi Timor.
3. Proposta husi Lei ne'ebé aprova mak Rejime Laboral no Migratóriu Espesiál Aplikável ba Projetu Bayu-Undan;
4. Proposta husi Lei ne'ebé aprova altersaun daruak mak Lei n.13/2005, loron 2 fulan-setembru, ne'ebé mak aprova hanesan Lei husi Atividade Petrolífera;
5. Proposta husi Lei ne'ebé aprova husi alterasaun datolu mak Lei n.9/2005, loron 3 fulan-agostu, ne'ebé aprova hanesan Lei Fundu Petrolífero;
6. Dekretu-Lei kona-ba Tranzisaun Títulu Petoliferu no Regulamentasaun husi Atividade Petrolifera iha Kampu Bayu Undan;
7. Dekretu-Lei ne'ebé kona-ba Tranzisaun Títulu Petoliferu no Regulamentasaun Atividade Petrolifera anteriormente situadas iha Area Konjunta husi Dezenvolvimento Petrolíferu (ACDP);
8. Dekretu-Lei kona-ba Tranzisaun Títulu Petoliferu no Regulamentasaun Atividade Petrolifera anteriormente situadas iha Area Konjunta husi Dezenvolvimento Petrolíferu iha kampu Buffalo;
9. Dekretu-Lei kona-ba Tranzisaun Títulu Petoliferu no Regulamentasaun Atividade Petrolifera iha area linsensa balun AC/L5 e WA-18-L;
10. Dekretu-Lei ne'ebé aprova iha alterasaun dahuluk ba Dekretu-Lei n.20/2008, loron 19 fulan-juñu, ne'ebé kria Autoridade Nasionál Petroleu Minerais. **REMATA**

url: <http://timor-leste.gov.tl?lang=tp&p=22418>